

16.01.2017 15:57:19

N248

შპს „ზიმოს“

გენერალურ დირექტორს ზ. კვიციანიძეს

ქ.თბილისი, ოდესის ქ. N 8

ბატონო ზურაბ,



სს „საქართველოს რკინიგზა“-სა და შპს „ზიმო“-ს შორის 2016 წლის 21 დეკემბერს გაფორმებული #შს/16-369 ხელშეკრულების თანახმად, თქვენმა კომპანიამ 2017 წლის 21 იანვრამდე უნდა განახორციელოს ბათუმი-სამტრედიის ხაზზე, ჩაქვი-ქობულეთის გადასარბენზე, კმ19 კვმ-ში არსებული უფუნქციო რკინაბეტონის გზაგამტარის დემონტაჟის სამუშაოები.

გთხოვთ, მოგვაწოდოთ ინფორმაცია სამუშაოების მიმდინარეობის შესახებ.

ინვრასტრუქტურის დირექტორი

ვ. ხორავა



შპს ზიმო
ZIMO LTD

21 აპრილი 2017

№ზ-115/17

სააქციო საზოგადოება
„საქართველოს რკინიგზის“
ინფრასტრუქტურის დირექტორს
ბატონ ვახილ ხორავას

ბატონო ვახილ,


გაცნობებთ, რომ შპს „ზიმო“-მ დაასრულა სს „საქართველოს რკინიგზასა“ და შპს „ზიმო“-ს შორის 2016 წლის 21 დეკემბერს გაფორმებული №შს/16-369 ხელშეკრულებით გათვალისწინებული ბათუმი-სამტრედიის ხაზზე, ჩაქვი-ქობულეთის გადახარბენზე, კმ.19 კკ.8-ში არსებული უფუნქციო რკინა-ბეტონის ვხაგამტარის დემონტაჟი.

გთხოვთ უზრუნველყოთ სამუშაოების მიღება-ჩაბარების აქტის გაფორმება.

პატივისცემით,

შპს „ზიმო“-ს გენ. დირექტორი

ბ. კიკნაძე





27 თებერვალი 2017

№8-060/17

სააქციო საზოგადოება
„საქართველოს რკინიგზის“
ინფრასტრუქტურის დირექტორს
ბატონ ვასილ ხორავას

ბატონო ვასილ,

როგორც თქვენ მოგეხსენებათ შპს „ზიმო“-მ სს „საქართველოს რკინიგზასთან“ 2016 წლის 21 დეკემბერს გააფორმა ხელშეკრულება №შს/16-369, ბათუმი-სამტრედიის ხაზზე, ჩაქვოქობულეთის გადასარბენზე მე-19 კმ-ზე არსებული უფუნქციო რკინაბეტონის სარკინიგზო ხიდის დემონტაჟის თაობაზე. თქვენს წერილზე №1044 21.02.2017 გაცნობეთ, რომ მიუხედავად ზამთრის, კლიმატური პირობების გამო (დიდთოვლიანობა, ყინვები) ჩვენ მოსამზადებელი სამუშაოები დაიწყეთ ხელშეკრულებით გათვალისწინებულ ვადებში. კერძოდ: გააფორმეთ შეთანხმებები საპატრულო პოლიციასთან, საავტომობილო გზების დეპარტამენტთან და ყველა დაინტერესებულ ორგანიზაციასთან, რისთვისაც საჭირო იყო გარკვეული დრო.

აღნიშნულ ობიექტზე მალის ნაშენის სადემონტაჟო სამუშაოების შესასრულებლად ჩვენს მიერ ადგილზე მობილიზებულ იქნა ყველა საჭირო მანქანა-მექანიზმები და მუშახელი პარალელურად საავტომობილო მოძრაობა გადაირთო დროებით შემოსავლელ გზაზე. სამუშაოების დაწყებამდე ჩვენ ვიხელმძღვანელებთ თქვენი სამსახურის მიერ გადმოცემული ტექნიკური მასალებით, საიდანაც ჩანდა, რომ რკინაბეტონის კოჭის წონა შეადგენდა 32.9 ტონას. გასათვალისწინებელი იყო ის ფაქტიც, რომ ღითონის საყრდენი ნაწილები ერთმანეთში ჩაუბნებელი-ჩაანკერებული იყო, ხოლო ქვედა ბალანსირები ბეტონში ჩაფლული. მათი საყრდენი ნაწილებიდან ახსნა სათითაოდ მოხერხდა, მაგრამ როგორც აღმოჩნდა რკ. ბეტონის კოჭის წონამ ფაქტიურად შეადგინა ორჯერ მეტი, რაც საპასპორტო მონაცემებით იყო წარმოდგენილი, რის გამოც მალის ნაშენის ჩამოღება ვერ მოხერხდა კოჭის ფაქტიური წონის სიმძიმის გამო. ჩვენგან დამოუკიდებელი მიზეზების გამო კოჭის დემონტაჟი ჩაიშალა.

დღეისათვის საჭირო შეიქმნა წარმოების ხელახალი დაგეგმვა, რაც გამოიწვევს ვადების გადაწვეას ორ თვემდე.

გთხოვთ გაითვალისწინოთ ზემოთაღნიშნული გარემოებები და შეგვითანხმოთ ვადები.

პატივისცემით,

შპს „ზიმო“-ს გენ. დირექტორი

ზ. კიკნაძე

სს „საქართველოს რკინიგზა“
ინფრასტრუქტურის დირექტორის კონტროლის,
საინჟინერო და ინსპექციური აპარატი
27 02 2017 წ.
N 1857



17 თებერვალი 2017

№ 049/17

სს „საქართველოს რკინიგზა“-ს
ინფრასტრუქტურის დირექტორს
ბატონ ვასილ ხორავას

ბატონო ვასილ

თქვენი 2017 წლის 24 იანვრის # 356 წერილის პასუხად გაცნობებთ, რომ აღნიშნული ობიექტის დემონტაჟისთვის, ჩვენს მიერ ადგილზე მობილიზებული იქნა ყველა საჭირო მანქანა-მექანიზმები და მუშახელი, პარალელურად, საავტომობილო მოძრაობა გადაირთო დროებით შემოსასვლელ გზაზე. დემონტაჟის დაწყებისას აღმოჩნდა, რომ რკინაბეტონის კოჭი, რომელიც თქვენი მონაცემების მიხედვით უნდა ყოფილიყო 32,4 ტონა, სინამდვილეში აღმოჩნდა გაცილებით მძიმე, დაახლოებით, 70 ტონა.

აღნიშნულ გარემოებებს თან დაერთო მძიმე კლიმატური პირობები(დიდთოვლობა), რის გამოც სამუშაოების წარმოება გახდა შეუძლებელი.

ამ ფაქტის გამო, საჭირო ხდება სამუშაოების წარმოების ხელახლა დაგეგმვა, რაც გამოიწვევს მათი შესრულების ვადებისა და ღირებულების შეცვლას.

ველით თქვენს გადაწყვეტილებას.

პატივისცემით,

ზურაბ კვიციანი
გენერალური დირექტორი

სს „საქართველოს რკინიგზა“
გენერალური დირექტორის კონტროლის,
კონტროლინგისა და ინსპექტირების აპარატი
21 02 2017
N
1658

24.02.2017

N 1127

შპს „ზიმო“-ს გენერალურ დირექტორს

ბ-ნ ზ. კიკნაძეს

ზატონო ზურაბ,



თქვენი, 2017 წლის 17 თებერვლის #ზ-049/17 წერილის პასუხად გაცნობებთ, რომ აღნიშნული გზაგამტარის დემონტაჟთან დაკავშირებით სს „საქართველოს რკინიგზა“-სა და შპს „ზიმო“-ს შორის ხელშეკრულება გაფორმდა 2016 წლის 21 დეკემბერს, ხოლო გზაგამტარის საპასპორტო მონაცემები, ჩვენს მიერ მოწოდებული იქნა 2016 წლის 7 ნოემბერს. აღნიშნული პერიოდი სავსებით საკმარისი იყო მონაცემების გადასამოწმებლად და დასაზუსტებლად, მითუმეტეს, რომ მოცემული მალის ნაშენები დამზადებულია ტიპური პროექტით და მათი ტექნიკური პარამეტრების დადგენა სირთულეს არ წარმოადგენდა.

წერილში მოყვანილი ფაქტთან დაკავშირებით, რომ თითქოს, რკინაბეტონის კოჭის წონამ ნაცვლად პასპორტში მითითებული 32.9ტ-სა შეადგინა დაახლოებით 70ტ. გაცნობებთ, რომ მოცემული გზაგამტარზე გამოყენებულია ორკოჭოვანი მალის ნაშენები, რომელთა საერთო წონა არის ჯამში 70ტ-მდე (და არა თითოეული კოჭის).

ასევე უნდა აღინიშნოს, რომ ნაცვლად 100 ტონიანი ამწისა, რომლის ობიექტზე და უკან მობილიზებასა და ადგილზე მუშაობაზე, წარმოდგენილ ხარჯთაღრიცხვაში გაწერილია 29000 ლარი, თქვენს მიერ ადგილზე მობილიზებული იქნა გაცილებით მცირე ტვირთამწეობის (40 ტ-მდე) ამწე, რომლითაც რა თქმა უნდა, ფაქტიურად შეუძლებელი იყო დემონტაჟის განხორციელება.

რაც შეეხება მძიმე კლიმატურ პირობებს, ხელშეკრულების 12.4 პუნქტის მიხედვით ფორს-მაჟორული მოვლენის შემთხვევაში წარმოდგენილი უნდა იქნას კომპეტენტური ორგანოს მიერ გაცემული, აღნიშნული გარემოების არსებობის და ხანგრძლივობის დამადასტურებელი ცნობა.

ყოველივე ზემოაღნიშნულის გათვალისწინებით, სს „საქართველოს რკინიგზა“ ვერ ხედავს სამუშაოების შესრულების ვადების და ღირებულების შეცვლის სერიოზულ საბაბს და მოგმართავთ თხოვნით, დროულად დაასრულოთ ხელშეკრულებით ნაკისრი ვალდებულებები.

პატივისცემით

ინფრასტრუქტურის დირექტორის მ/შ
კ. გუდიაშვილი



24.01.2017

N 356

შპს „ზიმო“

გენერალურ დირექტორს

ბ-ნ ზ. კიკნაძეს

ქ.თბილისი, ოდესის ქ. N 8

ბატონო ზურაბ,



სს „საქართველოს რკინიგზა“-სა და შპს „ზიმო“-ს შორის 2016 წლის 21 დეკემბერს გაფორმებული #შს/16-369 ხელშეკრულების თანახმად, თქვენს კომპანიას უნდა განეხორციელებინა ბათუმი-სამტრედიის ხაზზე, ჩაქვი-ქობულეთის გადასარბენზე, კმ19 პკ8-ში არსებული უფუნქციო რკინა-ბეტონის გზაგამტარის დემონტაჟის სამუშაოები, რომლებიც უნდა დასრულებულიყო ხელშეკრულების გაფორმებიდან 30 კალენდარულ დღეში ანუ 2017 წლის 20 იანვარს.

გთხოვთ, გაითვალისწინოთ, რომ ხელშეკრულების 14.1 პუნქტის მიხედვით, ყოველ ვადაგადაცილებულ დღეზე გვეკისრებათ პირგასამტეხლო, ხელშეკრულების ღირებულების (დღგ-ს გარეშე) 0,01% და მოგვაწოდოთ ინფორმაცია სამუშაოების შესრულების შესახებ.

პატივისცემით,

ინფრასტრუქტურის დირექტორი

ვ. ხორავა